



Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

2898

Telefon: 658-038, 616-101, 641-051, 641-442, 611-766; Fax: 656-812, 654-480, 643-966

E-mail: jkpradsa@bih.net.ba; web: www.rad.com.ba; EKO telefon: 660-000

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 90.000
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Naš broj: 02-01-07 19600/19
Sarajevo, 17.10. 2019. god.

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
Ul. Reisa Džemaludina Čauševića 1.
71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

| | |
|------------|--------------|
| 23-10-2019 | |
| Org. broj | Broj prijave |
| 01 05 | 33063-18 |

Predmet: Odgovor na zastupničku inicijativu zastupnika Zvonka Marića za područje RCUO Smiljevići br. 01-05-33063-56/19 od 27.09.2019. godine

Poštovani!

Vezano za zastupničku inicijativu koja se odnosi na **pravni okvir koji definiše obaveze i nadležnosti po pitanju upravljanja RCUO Smiljevići**, koju je podnio zastupnik Zvonko Marić na 13. radnoj sjednici Skupštine Kantona Sarajevo održanoj 25.09.2019. godine u okviru tačke Dnevnog reda „Poslanička/zastupnička pitanja, inicijative i odgovori“ (u skladu sa članovima 211. i 214. Poslovnika Skupštine KS), možemo ponuditi sljedeći odgovor:

- Kantonalno javno komunalno preduzeće „RAD“ d.o.o. Sarajevo na osnovu pravnog okvira koji je definisan prema Federalnom Zakonu o upravljanju otpadom ("Službene novine FBiH", br. 33/03, 72/09 i 92/17), Federalnoj Strategiji upravljanja otpadom (2008-2018), Federalnom planu upravljanja otpadom (2012-2017) i na kraju usvojenim Planom upravljanja otpada Kantona Sarajevo za period (2015-2020), **obavlja funkciju ovlaštenog operatora za upravljanje komunalnim otpadom na području Kantona Sarajevo. Preduzeće je u vlasništvu Kantona Sarajevo.**

Nadalje, problematika prikupljanja, transporta i deponovanja komunalnog otpada u Kantonu Sarajevo regulisana je i Zakonom o komunalnoj čistoći („Službene novine KS“ br. 11/97). Kantonalni Zakon propisuje da poslove komunalne čistoće vrše komunalna preduzeća, koja su registrovana za obavljanje ove djelatnosti, u slučaju KS su navedeni poslovi povjereni KJKP "RAD" d.o.o. Sarajevo.

Vežano za pravni okvir koji se odnosi na institucionalne nadležnosti ministarstava koja su predmetom zastupničkog pitanja, navodimo sljedeće:

- Do mjeseca augusta 2015. godine institucionalna nadležnost nad kantonalnom deponijom Smiljevići je bila pod okriřjem tadašnjeg Ministarstva prostornog-uređenja i zaštite okoliša Kantona Sarajevo.

Prema Zakonu o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", 8/2015), dolazi do razdvajanja ovog ministarstva i podijele nadležnosti i djelokruga kantonalnih ministarstava na sljedeći naćin:

1. Prema ćlanu 8. Zakona o organizaciji i djelokrugu organa uprave i upravnih organizacija Kantona Sarajevo, Ministarstvo prostornog uređenja, građenja i zaštite okoliša KS vrši:

- Upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti prostornog uređenja, građenja, zaštite okoliša, utvrđivanja stambene politike, uključujući i donošenje propisa koji se tiću uređivanja i izgradnje, obnove i rekonstrukcije stambenih objekata.

2. Prema ćlanu 9. Zakona o organizaciji i djelokrugu organa uprave i upravnih organizacija Kantona Sarajevo, Ministarstvo komunalne privrede i infrastrukture KS vrši:

- Upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti komunalnih djelatnosti, komunalne privrede i infrastrukture.

Prikupljanje i odvoz komunalnog otpada iz stambenih i poslovnih zgrada i poslovnih prostora na deponiju kao i odlaganje komunalnog otpada, spadaju u komunalne djelatnosti individualne komunalne potrošnje u smislu ćlana 3. Zakona o komunalnim djelatnostima ("Sl. novine Kantona Sarajevo", br. 14/2016, 43/2016, 10/2017 - ispr., 19/2017, 20/2018 i 22/2019). U skladu sa ćlanom 6. obavljanje komunalnih djelatnosti u skladu sa pomenutim zakonom, obezbjeđuju Kanton, Grad i Općine. Prema ćlanu 7. istog Zakona, Kanton između ostalih obezbjeđuje obavljanje sljedećih komunalnih djelatnosti – prikupljanje i odvoz komunalnog otpada iz stambenih i poslovnih zgrada i poslovnih prostora na deponiju, te obezbjeđuje odlaganje komunalnog otpada na glavnu sanitarnu deponiju. Prema ćlanu 10. ovog Zakona, Kanton u skladu sa utvrđenim nadležnostima obezbjeđuje obavljanje komunalnih djelatnosti putem javnog preduzeća.

Prema ćlanu 12. Zakona o organizaciji i djelokrugu organa uprave i upravnih organizacija Kantona Sarajevo Ministarstvo privrede KS vrši:

- Upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti privrede, vodoprivrede, poljoprivrede, šumarstva i lovstva, veterinarstva, industrije i energetike, obrta, korišćenja prirodnih bogatstava, kantonalnog turizma i turistićkih resursa, trgovine i ugostiteljstva.

Na osnovu navedenog da se zaključiti da deponija „Smiljevići“ predstavlja deponiju komunalnog otpada, koju karakteriše komunalna infrastruktura iz čega slijedi da se, u skladu sa članom 9. Zakona o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", 8/2015), **institucionalna nadležnost nad istom nalazi u djelokrugu Ministarstva komunalne privrede i infrastrukture Kantona Sarajevo.**

S poštovanjem,



Direktorica

RADO ARČIHOVIĆ, dipl.pravnik

Dostaviti:

1. Naslovu
2. R.J. DEPONJA
3. a/a